

গণপ্রজাতন্ত্রী বাংলাদেশ সরকার  
কৃষি বিপণন অধিদপ্তর  
খামারবাড়ি, ফার্মগেট  
ঢাকা-১২১৫।

স্মারক নং: ১২.০২.০০০০.০১২.০৬.০০১.১৮- ৫৮৮


তারিখঃ ০৯-০৭-২০১৮

বিষয়ঃ কৃষি বিপণন অধিদপ্তরের আওতায় বাস্তবায়নাধীন ২০১৭-১৮ অর্থ বছরের এডিপিতে অন্তর্ভুক্ত প্রকল্প/কর্মসূচী সমূহের উপর গত ২৮-০৬-২০১৮ তারিখে অনুষ্ঠিত বাস্তবায়ন অগ্রগতি পর্যালোচনা (মে/২০১৮ পর্যন্ত) সভার কার্যবিবরণী প্রেরণ প্রসঙ্গে।

উপর্যুক্ত বিষয়ের প্রেক্ষিতে জানানো যাচ্ছে যে, গত ২৮-০৬-২০১৮ তারিখে কৃষি বিপণন অধিদপ্তরের আওতায় বাস্তবায়নাধীন ২০১৭-১৮ অর্থ বছরের এডিপিতে প্রকল্প এবং রাজস্ব বাজেটভুক্ত কর্মসূচীসমূহের বাস্তবায়ন অগ্রগতির মে/২০১৮ পর্যন্ত উপর পর্যালোচনা সভা অনুষ্ঠিত হয়। উক্ত সভার কার্যবিবরণী সদয় অবগতি ও পরবর্তী প্রয়োজনীয় ব্যবস্থা গ্রহণের জন্য নির্দেশক্রমে এতদসঙ্গে প্রেরণ করা হলো।

২। কার্যবিবরণীতে বর্ণিত সিদ্ধান্তসমূহের বাস্তবায়ন অগ্রগতির প্রতিবেদন জুন, ২০১৮ মাসের এডিপি সভার কার্যপত্রে অন্তর্ভুক্তির জন্য বিশেষ কোন আলোচ্যসূচীর প্রস্তাব থাকলে তা আগামি ২০-০৭-২০১৮ তারিখের মধ্যে অধিদপ্তরে হার্ড কপি ও সফট কপি (e-mail: [neenashahnaz@gmail.com](mailto:neenashahnaz@gmail.com)) আবশ্যিকভাবে প্রেরণ করার জন্য নির্দেশক্রমে অনুরোধ করা হলো।

সংযুক্তঃ বর্ণনামতে ০৩ (তিন) পাতা।

  
(শাহিনাজ বেগম নানা)  
উপ-পরিচালক (পিপি)  
ফোনঃ ৯১১৪৮২২

e-mail: [neenashahnaz@gmail.com](mailto:neenashahnaz@gmail.com)

কার্যার্থে অনুলিপিঃ (জৈষ্ঠ্যতার ক্রমানুসারে নয়)।

- ১। উপ-পরিচালক (গবেষণা), কৃষি বিপণন অধিদপ্তর, খামারবাড়ি, ঢাকা।
- ২। উপ-পরিচালক, কৃষি বিপণন অধিদপ্তর, ঢাকা/চট্টগ্রাম/রাজশাহী/খুলনা/সিলেট/বরিশাল/রংপুর বিভাগ।
- ৩। প্রকল্প পরিচালক, সিলেট অঞ্চলে শস্যের নিবিড়তা বৃদ্ধিকরণ প্রকল্প (বিপণন অংগ), খামারবাড়ি, ঢাকা।
- ৪। কর্মসূচি পরিচালক, বসন্তবাড়িতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচি, রংপুর।
- ৫। কর্মসূচি পরিচালক, ফ্রেশকাট শাক-সবজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচি, ঢাকা।
- ৬। কর্মসূচি পরিচালক, অনলাইন প্রাইজ মনিটরিং সংক্রান্ত ইলেকট্রনিক ডিসপ্লেবোর্ড স্থাপন কর্মসূচি, ঢাকা।

সদয় অবগতির জন্য অনুলিপিঃ

০১। সিনিয়র সচিব, কৃষি মন্ত্রণালয়, বাংলাদেশ সচিবালয়, ঢাকা।

(দৃঃআঃ যুগ্ম-প্রধান, কৃষি মন্ত্রণালয়)।

০২। সিস্টেম এ্যাডমিন (আইসিটি সেল), কৃষি বিপণন অধিদপ্তর, খামারবাড়ি, ফার্মগেট, ঢাকা।

(ওয়েব সাইটে প্রকাশের অনুরোধ সহ)

০৩। মহাপরিচালক মহোদয়ের ব্যক্তিগত কর্মকর্তা, কৃষি বিপণন অধিদপ্তর, খামারবাড়ি, ফার্মগেট, ঢাকা।

পরিকল্পিত ও উন্নত বিপণন ব্যবস্থাই নিশ্চিত করতে পারে কৃষক ও ভোক্তার ন্যায্য অধিকার।

গণপ্রজাতন্ত্রী বাংলাদেশ সরকার  
কৃষি বিপণন অধিদপ্তর  
খামারবাড়ি, ফার্মগেট  
ঢাকা-১২১৫।

**বিষয়ঃ ২০১৭-১৮ অর্থ বছরের এডিপিভুক্ত কৃষি বিপণন অধিদপ্তরের আওতায় বাস্তবায়নাধীন প্রকল্প/কর্মসূচীসমূহের উপর  
গত ২৮-০৬-২০১৮ তারিখে অনুষ্ঠিত বাস্তবায়ন অগ্রগতি পর্যালোচনা ( মে/২০১৮ পর্যন্ত) সভার কার্যবিবরণীঃ**

সভাপতি : জনাব মোঃ মাহবুব আহমেদ, মহাপরিচালক, কৃষি বিপণন অধিদপ্তর।  
স্থান : সভা কক্ষ, কৃষি বিপণন অধিদপ্তর, ঢাকা।  
সময় : দুপুর ৯.৩০ ঘটিকা।  
তারিখ : ২৮ জুন, ২০১৮ খ্রিঃ।  
সভায় উপস্থিত কর্মকর্তাবৃন্দ : পরিশিষ্ট-‘ক’।

সভাপতি সকলকে স্বাগত জানিয়ে সভার কাজ শুরু করেন। অতঃপর সভার কার্যপত্র অনুযায়ী আলোচনান্তে নিম্নরূপ সিদ্ধান্ত গৃহীত হয়ঃ  
**আলোচনাঃ**

**১। আলোচ্য বিষয়-১:** ৩১-০৫-২০১৮ তারিখে অনুষ্ঠিত এডিপি পর্যালোচনা সভার কার্যবিবরণী নিশ্চিতকরণ।

গত ৩১-০৫-২০১৮ তারিখে এপ্রিল, ২০১৮ সময়ের এডিপি পর্যালোচনা সভার কার্যবিবরণী নিশ্চিতকরণের জন্য সভায় উপস্থাপন করা হয় এবং কোন সংশোধনী প্রস্তাব না থাকায় তা নিশ্চিতকরণের সিদ্ধান্ত গৃহীত হয়।

ক্রঃ নং	সিদ্ধান্ত	বাস্তবায়নকারী কর্তৃপক্ষ
১.১	৩১-০৫-২০১৮ তারিখের এডিপি পর্যালোচনা সভার কার্যবিবরণী নিশ্চিত করা হলো।	উপ-পরিচালক (নীতি ও পরিকল্পনা)

**২। আলোচ্য বিষয়-২.১:** কৃষি বিপণন অধিদপ্তর কর্তৃক বাস্তবায়নাধীন এডিপিভুক্ত প্রকল্প ও রাজস্ব বাজেটভুক্ত কর্মসূচীসমূহের বাস্তবায়ন অগ্রগতির তথ্য উপস্থাপন কালে সভাকে জানানো হয় যে, কৃষি বিপণন অধিদপ্তরের আওতায় ২০১৭-১৮ অর্থ বছরে এডিপিতে ০১টি বিনিয়োগ প্রকল্পের অনুকূলে আরএডিপি ৩৮২.০০ লক্ষ টাকার বিপরীতে ১ম-৪র্থ কিস্তি বাবদ মোট ৩৮২.০০ লক্ষ টাকা ছাড় পাওয়া যায় এবং মে, ২০১৮ পর্যন্ত সর্বমোট ৩০২.০৭ লক্ষ টাকা ব্যয় করা হয়েছে যা মোট বরাদ্দের ৭৯.০৮%। তাছাড়া কৃষি বিপণন অধিদপ্তরের রাজস্ব বাজেটের আওতায় বাস্তবায়নাধীন ০৩টি কর্মসূচী এর আওতায় ২০১৭-১৮ অর্থ বছরে মোট ১০৬.৮০ লক্ষ টাকা বরাদ্দের বিপরীতে ১ম-৪র্থ কিস্তি বাবদ ১০৬.৮০ লক্ষ টাকা ছাড় করা হয় এবং মে, ২০১৮ পর্যন্ত সর্বমোট ৬০.৯৫ লক্ষ টাকা ব্যয় করা হয়েছে যা মোট বরাদ্দের ৫৭.০৭%। এডিপি বাস্তবায়নের হার আরও গতিশীল করার লক্ষ্যে প্রকল্প/কর্মসূচী সমূহে বরাদ্দকৃত অর্থ ১০০% অগ্রগতি হওয়ার জন্য প্রকল্প পরিচালক ও কর্মসূচী পরিচালককে সভায় নির্দেশনা দেয়া হয়।

**২.১** বিগত সভার সিদ্ধান্ত বাস্তবায়ন অগ্রগতি আলোচনাকালে সকল প্রকল্প ও কর্মসূচির বছর ওয়ারী সকল অডিট আপত্তি অতিদ্রুত নিষ্পত্তি করা, বাস্তবায়িত প্রকল্পের এসেম্বল সেন্টার ও অফিস কাম ট্রেনিং সেন্টার নির্মাণ কাজ নির্ধারিত ব্যয় প্রাক্কলনের মধ্যে শেষ করার প্রয়োজনীয় উদ্যোগ গ্রহণ করতে প্রয়োজনীয় নির্দেশনা প্রদান করা হয়।

**২.২:** “সিলেট অঞ্চলে শস্যের নিবিড়তা বৃদ্ধিকরণ (বিপণন অংগ)” প্রকল্পের আওতায় ২৭/০৬/২০১৮ তারিখ পর্যন্ত প্রকল্পের সর্বমোট ব্যয় ৩৮১.৭৭ লক্ষ টাকা যা মোট বরাদ্দের ৯৯.৯৪% হওয়ায় সভাপতি প্রকল্প সংশ্লিষ্ট সকলকে ধন্যবাদ জ্ঞাপন করেন। এসেম্বল সেন্টার নির্মাণ কাজ নির্ধারিত সময়ের মধ্যে শেষ করার প্রয়োজনীয় উদ্যোগ গ্রহণ এবং নির্মাণকৃত এসেম্বল সেন্টারের উত্তোধনের প্রয়োজনীয় ব্যবস্থা গ্রহণের জন্য সভাপতি নির্দেশ প্রদান করেন। প্রকল্পের আওতায় নির্মিত অফিস কাম ট্রেনিং সেন্টারের কাজ দ্রুত শেষ করতে নির্মাণকারী প্রতিষ্ঠানকে তাগিদ প্রদানের জন্য সভাপতি নির্দেশনা



প্রদান করেন। এছাড়া প্রকল্পের ডিপিপি মোতাবেক অসমাপ্ত কাজ দ্রুত শেষ করতে এবং ২০১৮-১৯ অর্থ বছরের কর্মপরিকল্পনা করতে সভাপতি নির্দেশনা প্রদান করেন।

**২.৩: “বসত বাড়ীতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচি”** কর্মসূচির জুন, ২০১৮ মাসের মধ্যে সকল আলুর ঘরে আলু সংরক্ষণের প্রয়োজনীয় উদ্যোগ গ্রহণ এবং কর্মসূচির মেয়াদ শেষ হলেও এর কার্যক্রম অব্যাহত রাখার নিমিত্ত সংশ্লিষ্ট সকল জেলায় পত্র দিতে হবে। গৃহ পর্যায়ে আলু সংরক্ষণাগার নির্মাণ কৌশল ও তার উপযোগীতা সম্বলিত ইতোমধ্যে প্রকাশিত তথ্যাদির (লিফলেট, পোস্টার, হ্যান্ডবিল ও বুকলেট ইত্যাদি) সদর দপ্তরে প্রেরণ করার জন্য সভায় নির্দেশনা প্রদান করা হয়। কর্মসূচি সমাপ্তি প্রতিবেদন প্রস্তুত করার প্রয়োজনীয় ব্যবস্থা গ্রহণ করতে সভাপতি নির্দেশনা প্রদান করেন। যেহেতু কর্মসূচিটি ৩০ জুন, ২০১৮ তারিখে সমাপ্ত হবে সেহেতু কর্মসূচির আওতায় নির্মিত আলুর ঘর ও অন্যান্য সম্পদ সমূহ অধিদপ্তরের সম্পত্তি, সেগুলি রক্ষণাবেক্ষনের দায়িত্ব অধিদপ্তরের তাই জুলাই, ২০১৮ মাস হতে বিভাগের আওতায় নির্মিত আলুর ঘর ও অন্যান্য সম্পদ সংশ্লিষ্ট বিভাগ হতে মনিটরিং ও মাসিক ভিত্তিতে প্রতিবেদন দাখিল করতে সভাপতি নির্দেশনা প্রদান করেন।

**২.৪ :** ফ্রেশকাট শাকসজ্জি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচির কার্যক্রম আরো গতিশীল করার লক্ষ্যে কর্মসূচির আওতায় সংগৃহীত ভ্যান গুলোর মাধ্যমে পণ্য সামগ্রী ঢাকা শহরে দৃশ্যমান ও জনবহুল স্থানে বিক্রয়ের ব্যবস্থা গ্রহণ করতে সভায় পুনরায় নির্দেশ প্রদান করা হয়। ফ্রেশকাট শাকসজ্জি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ সম্পর্কে ব্যাপক প্রচার প্রচারণার লক্ষ্যে কৃষি তথ্য সার্ভিসের মাধ্যমে এবং ব্যক্তিগত পর্যায়ে বিভিন্ন জাতীয় পত্রিকা ও ইলেক্ট্রনিক মিডিয়ায় প্রচারের ব্যবস্থা গ্রহণ করতে সভায় নির্দেশনা প্রদান করা হয়। এছাড়া জেলায় জেলায় আয়োজিত প্রশিক্ষণ, সেমিনার ও মোটিভেশনাল টুর কার্যক্রম প্রচারের নিমিত্ত এবং এ ফ্রেশকাট সম্পর্কিত বিষয়ের ছোট ছোট ভিডিও ক্লিপ করে সামাজিক যোগাযোগ মাধ্যমে প্রচারের ব্যবস্থা গ্রহণ করতে হবে।

**২.৫: অনলাইন প্রাইস মনিটরিং সংক্রান্ত ইলেক্ট্রনিক্স ডিসপ্লেবোর্ড স্থাপন শীর্ষক কর্মসূচির** আওতায় প্রধান কার্যালয়ে (খামারবাড়ি) ডিজিটাল ডিসপ্লেবোর্ড স্থাপনের জন্য ডিজি, ডিএই কে পত্র এবং ২০১৮-১৯ অর্থ বছরে যে সকল জেলায় ডিজিটাল ডিসপ্লেবোর্ড স্থাপন করা হবে তার সঠিক জায়গা নির্ধারণের নিমিত্ত সংশ্লিষ্ট বিভাগীয় উপ-পরিচালকদের এবং জেলা বাজার কর্মকর্তাদের পুনরায় পত্র দিতে সভায় নির্দেশনা প্রদান করা হয়।

**৩-বিবিধঃ** কৃষি বিজ্ঞান, প্রায়োগিক গবেষণা, ফসলসমূহের জাতের উন্নয়ন, পুষ্টিগুণ, খাদ্যমান/নিরাপত্তা নিশ্চিতকরণ, খাদ্যের বহুমুখী ব্যবহার, ফসল সংরক্ষণসহ নানা বিষয়ে গঠিত রাইটার্স পুলে প্রতি মাসে ২টি তথ্য সমৃদ্ধ অনুসন্ধিৎসু লিখা নিয়মিতভাবে কৃষি মন্ত্রণালয়ে প্রেরণ করতে উপ-পরিচালক (গবেষণা)কে নির্দেশনা প্রদান করা হয়। প্রকল্প পরিচালক ও কর্মসূচি পরিচালকগণকে সভার কার্যবিবরণী অনুযায়ী সিদ্ধান্ত বাস্তবায়ন অগ্রগতির প্রতিবেদন এবং পরবর্তী সভার কার্যপত্রে অন্তর্ভুক্তির জন্য নতুন কোন আলোচ্য বিষয় থাকলে তা লিখিতভাবে মহাপরিচালক বরাবর অবশ্যই নির্ধারিত তারিখের মধ্যে প্রেরণ করার জন্য পুনরায় নির্দেশনা প্রদান করা হয়।


#### **৪: সভার সিদ্ধান্তসমূহঃ**

সভায় কৃষি বিপণন অধিদপ্তরের উন্নয়ন পরিকল্পনা, প্রকল্প বাস্তবায়নের কৌশল নিধারণ, উন্নয়ন কর্মসূচি বাস্তবায়নে গতিশীলতা আনয়ন এবং প্রকল্প সংশ্লিষ্ট বিষয়ে বিস্তারিত আলোচনান্তে নিম্নরূপ সিদ্ধান্ত গৃহীত হয়।

ক্রঃ নং	সিদ্ধান্ত সমূহ	বাস্তবায়নকারী কর্তৃপক্ষ
৪.১	(ক) নির্মাণকৃত এসেবল সেন্টারের উত্তোধনের প্রয়োজনীয় ব্যবস্থা গ্রহণ এবং নির্মাণাধীন অফিস কাম ট্রেনিং সেন্টারের কাজ দ্রুত শেষ করতে নির্মাণকারী প্রতিষ্ঠানকে তাগিদ প্রদান করতে হবে। (খ) প্রকল্পের ডিপিপি মোতাবেক অসমাপ্ত কাজ দ্রুত শেষ এবং ২০১৮-১৯ অর্থ বছরের কর্মপরিকল্পনা পেশ করতে হবে।	প্রকল্প পরিচালক আইসিআইএসআরপি (ডিএম অংগ)

8.২	<p>(ক) গৃহ পর্যায়ে আলু সংরক্ষণাগার নির্মাণ কৌশল ও তার উপযোগীতা সম্বলিত ইতোমধ্যে প্রকাশিত তথ্যাদির (লিফলেট, পোস্টার, হ্যান্ডবিল ও বুকলেট ইত্যাদি) সদর দপ্তরে প্রেরণ করতে হবে।</p> <p>(খ) কর্মসূচি সমাপ্তি প্রতিবেদন (PCR) প্রস্তুত করার প্রয়োজনীয় ব্যবস্থা গ্রহণ করতে হবে। কর্মসূচির মেয়াদ শেষ হলেও এর কার্যক্রম অব্যাহত রাখার নিমিত্ত সংশ্লিষ্ট সকল জেলায় পত্র দিতে হবে।</p>	কর্মসূচী পরিচালক বসত বাড়ীতে আলু সংরক্ষণ, প্রক্রিয়াজাতকরণ ও বিপণন কার্যক্রম কর্মসূচী
8.৩	<p>(ক) কর্মসূচির আওতায় সংগৃহীত ভ্যান গুলোর মাধ্যমে পণ্য সামগ্রী ঢাকা শহরে দৃশ্যমান স্থানে বিক্রয়ের ব্যবস্থা গ্রহণ করতে হবে এবং কর্মসূচি হতে এ পর্যন্ত যে সকল পণ্য সামগ্রী বিতরণ করা হয়েছে তার তালিকা এবং তার যথাযথ ব্যবহার নিশ্চিত করতে সংশ্লিষ্ট বিভাগীয় উপ-পরিচালকগণদের পত্র দিতে হবে।</p> <p>(খ) ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ সম্পর্কে (কৃষি তথ্য সার্ভিসের মাধ্যমে এবং ব্যক্তিগত পর্যায়ে যোগাযোগ করে বিভিন্ন জাতীয় পত্রিকা ও ইলেক্ট্রনিক মিডিয়ায়) প্রচারের ব্যবস্থা গ্রহণ করতে হবে।</p>	কর্মসূচী পরিচালক ফ্রেশকাট শাকসজি ও ফলমূল প্রক্রিয়াজাতকরণ ও বিপণন কার্যক্রম সম্প্রসারণ কর্মসূচী
8.8	<p>প্রধান কার্যালয়ে (খামারবাড়ি) ডিজিটাল ডিসপ্লেরবোর্ড স্থাপনের জন্য ডিজি, ডিএই কে পত্র এবং ২০১৮-১৯ অর্থ বছরে যে সকল জেলায় ডিজিটাল ডিসপ্লেরবোর্ড স্থাপন করা হবে তার সঠিক জায়গা নির্ধারণের নিমিত্ত সংশ্লিষ্ট বিভাগীয় উপ-পরিচালকদের এবং জেলা বাজার কর্মকর্তাদের পুনরায় পত্র দিতে হবে।</p>	কর্মসূচী পরিচালক অনলাইন প্রাইস মনিটরিং সংক্রান্ত ইলেক্ট্রনিক্স ডিসপ্লেরবোর্ড স্থাপন শীর্ষক কর্মসূচি

৬। আর কোন আলোচ্য বিষয় না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।

  
 (মোঃ মাহবুব আহমেদ)  
 মহাপরিচালক  
 কৃষি বিপণন অধিদপ্তর